

TRAVNIK Mladi, školovani medicinari odlaze iz BiH

Prve dvije grupe otišle u Njemačku

Zahvaljujući međunarodnoj saradnji, potpisani su i ugovori koji će studentima koji završe školovanje osigurati zaposlenje u Njemačkoj

Dok u Bosni i Hercegovini traju rasprave o validnosti diploma s visokoškolskim ustanovama, a aktuelna politika mladim ljudima ne pruža velike šanse za zaposlenje, sve više mladih i školovanih ljudi odlazi iz naše zemlje.

Praktična nastava

Već nekoliko godina Univerzitet „Vitez“ u Travniku školuje kadrove na Fakultetu zdravstvene njegе. Zahvaljujući međunarodnoj saradnji, potpisani su i ugovori koji će studentima koji završe školovanje osigurati zaposlenje u Njemačkoj, a onima koji još uviđek studiraju praktičnu nastavu i priliku da steknu nova znanja koja će im biti ulaznica za posao u Njemačkoj.

- Jedna grupa i studenti koji još nisu završili fakultet i ne poznaju njemački jezik odlaze na praksu. To je prilika da se stručno usavrše. Bit-



Sastanak studenata i predstavnika klinike

će im plaćen put, boravak, hrana i dobit će određen honorar. Druga grupa su oni koji odlaze za stalno jer su ispunili uvjete koje traži Njemačka, a to znači da su završili fakultet zdravstvene njegе, nostrificirali diplomi i imaju odgovarajući stepen znanja njemačkog jezika. Ovi studenti su dobili dozvolu za rad na pet godina - pojasnio nam je Senad Tatarević, direktor Centra za međunarodnu saradnju na Univerzitetu „Vitez“ u Travniku.

Dobivanje certifikata

Emina Dautović završila je četverogodišnji studiji sestrinstva u Travniku i odlazi u Njemačku kako bi zasnovala radni odnos.

- Na početku imamo praktični dio i ako ispu-

nimo uvjete, to nam otvara mogućnost da ostanemo. Prva tri mjeseca su od ključne važnosti za dobivanje certifikata koji prilažežemo za dozvolu za stalni boravak - kaže nam Dautović.

Tri njemačke klinike s kojima je Fakultet zdravstvene njegе pri Univerzitetu „Vitez“ u Travniku sklopio saradnju trenutno traže oko 500 medicinskih sestara

500

medicinskih radnika traže tri njemačke klinike

i tehničara za završnom odgovarajućom visokom školom i znanjem njemačkog jezika. **K.KAVAZOVIC**

Sklopili saradnju

Prva grupa studenata odlazi u kliniku u Štutgartu, a druga u kliniku u blizini Munstera, što je ukupno oko 30 studenata.